



CANTON SARAJEVO
**Ministry of Labour, Social Policy, Displaced
Persons and Refugees**

Broj: 13-02/01-05-18645-101/19
Sarajevo, 31.05.2019. godine

SKUPŠTINA KANTONA SARAJEVO
Služba za skupštinske poslove

- O v d j e -

KANTON SARAJEVO
Stručna služba Vlade
N/r Sekretara

- O v d j e -

Zastupnik Samir Suljević je na 8. Radnoj sjednici Skupštine Kantona Sarajevo, održanoj dana, 14.05.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo, postavio zastupničko pitanje kako slijedi:

“Poslije nedavnog obilaska Udruženja “Dajte nam šansu” i upoznavanjem sa problematikom i načinom rada, te finansiranjem istog, postavljам zastupničko pitanje: Da li Vlada Kantona Sarajevo i njeno resorno ministarstvo planiraju sistemsku podršku ovom udruženju i pomoć u finansiranju istog?”

ODGOVOR:

Ministarstvo za rad, socijalnu politiku, raseljena lica i izbjeglice Kantona Sarajevo je sa pažnjom razmotrilo dostavljeno zastupničko pitanje, te obrazloženje uz postavljeno pitanje i u vezi sa navedenim dajemo slijedeći odgovor:

Informacije o radu i aktivnostima Udruženja “Dajte nam šansu” su poznate ovom ministarstvu i iste cijenimo izuzetno značajnim za populaciju djece sa poteškoćama u razvoju i njihove porodice. Iz tog razloga Ministarstvo je u proteklom periodu u više navrata finansijski



podržavalo rad i aktivnosti ovoga udruženje putem javnih poziva koje objavljuje sa ciljem pružanja finansijske podrške udruženjima iz svoje nadležnosti. Osim toga, predmetno udruženje je učestvovalo sa prigodnim aktivnostima u obilježavanju "Dječije nedjelje" u Kantonu Sarajevo, a čija je realizacija također finansijski podržavana budžetskim sredstvima sa pozicije ovoga ministarstva.

Iz navedenog je evidentno da Ministarstvo prepoznaje i cijeni značajnim rad i aktivnosti Udruženja "Dajte nam šansu", te iz tog razloga u okviru svojih nadležnosti ovo udruženje finansijski podržava u realizaciji njihovih aktivnosti.


Posebno značajnim Ministarstvo cijeni usluge koje predmetno udruženje pruža djeci sa poteškoćama u razvoju i njihovim porodicama koje su izuzetno značajne za ovu populaciju, a nisu prepoznate u trenutnom sistemu socijalne zaštite. U tom smislu naglašavamo važnost donošenja Zakona o socijalnim uslugama sa nivoa Federacije Bosne i Hercegovine koji će, prema našim saznanjima između ostalog, definisati i socijalne usluge za najranjivije kategorije društva, pružaoce usluga, licenciranje istih, itd. Vjerujemo da će donošenje ovog značajnog propisa u oblasti socijalne zaštite, a za koji smatramo da će imati veliki uticaj na reformske procese u ovoj oblasti u širem smislu, ali i konkretno na zaštitu djece i osoba sa invaliditetom. Smatramo da će donošenje navedenog zakona u velikoj mjeri doprinijeti implementaciji novog i drugačijeg pristupa u zaštiti ovih ranjivih kategorija, a koji će biti usmjeren na zadovoljavanje stvarnih potreba ovih korisnika, njihovu integraciju i prevenciju institucionalizacije.

Očekujemo da će Udruženje "Dajte nam šansu" u narednom periodu biti značajan partner Ministarstvu u ovom procesu, a imajući u vidu da su djeca sa invaliditetom izuzetno osjetljiva i svakako ranjiva kategorija stanovništva, Ministarstvo će u okviru svoje nadležnosti i dalje podržavati aktivnosti koje ovo udruženje provodi na zaštiti ove osjetljive populacije.

S poštovanjem,

Pripremila: Smaragda Lučkin, stručni savjetnik
Kontrolisala: Slavica Gorančić, pomoćnik ministra

Dostavljeno:
1. Naslovu x2,
2. Ministru,
3. a/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

